

三通考輯要

第十一冊

文獻通考輯要卷十七

山陰湯壽潛蟄先編輯

馬序曰昔漢陳咸言爲人議法當依於輕雖有百金之利慎無與人重比蓋漢承秦法過於嚴酷重以武宣之君張趙之臣淫刑喜殺習以爲常咸之言蓋有激也竊嘗以爲劓刵髡黥尤之刑也而唐虞遵之收擊赤族亡秦之法也而漢魏以來遵之以賢聖之君而不免襲亂虐之制由是觀之咸言尤爲可味也漢文除肉刑善矣而以髡笞代之髡法過輕而略無懲創笞法過重而至於死亡其後乃去笞而獨用髡減死罪一等卽止於髡鉗進髡鉗一等卽入於死而深文酷吏務從重比故死刑不勝其衆魏晉以來病之然不知減笞數而使之不死乃徒欲復肉刑以全其生肉刑卒不可復遂獨以髡鉗爲生刑所欲活者傅生議於是傷人者或折腰體而纒鬻其毛髮所欲陷者與死比於是犯罪者旣已刑殺而復誅其宗親輕重失宜莫此爲甚及隋唐以來始制五刑此五者卽有虞所謂鞭扑流宥雖聖人復起不可偏廢也若夫苟慕輕刑之名而不恤惠姦之患殺人者不死傷人者不刑俾無辜罹毒虐者抱沈寃而莫伸而舞文利賂賄者無後患之可惕則亦非聖人明刑弼教之本意也作刑考第十七

刑考

刑制

虞舜象以典刑流宥五刑鞭作官刑扑作教刑金作贖刑帝曰皋陶汝作士五刑有服五服三就五流有宅五

宅三居惟明克允 丁謚論曰按此則肉刑在蚩尤之世而堯舜以流放代之故黥劓之文不載唐虞之籍而立刑之數亦不具於聖人之旨也禹承舜禪與堯同治必不釋二聖而遠則凶頑固可知矣湯武之王獨將奚取呂刑之云卽叔向所謂三辟之興皆叔世也此則近君子有徵之言矣 夏作禹刑 殷湯制官刑

周官大司寇之職掌建邦之三典以佐王刑邦國詰四方 一曰刑新國用輕典 二曰刑平國用中典 三曰刑亂國用重典以五刑糾萬民 一曰野刑上功糾力 二曰軍刑上命糾守 三曰鄉刑上德糾孝 四曰官刑上能糾職 五曰國刑上愿糾暴以圖土聚教罷民 凡害人者寘之圖土而施職事焉以明刑恥之其能改者反於中國不齒三年其不能改而出圖土者殺出謂逃亡以兩造禁民訟入束矢於朝然後聽之以兩劑禁民獄入鈞金三日乃致於朝然後聽之以嘉石平罷民 凡萬民之有罪過而未麗於法而害於州里者桎梏而坐諸嘉石役諸司空重罪旬有三日坐期役其次九日坐九月役其次七日坐七月役其次五日坐五月役其次下罪三日坐三月役使州里任之則宥而舍之以肺石達窮民 凡達近憚獨老幼之欲有復於上而其長弗達者立於肺石三日士聽其辭以告於上而罪其長

小司寇以五刑聽萬民之獄訟附於刑用情訊之至於旬乃弊之讀書則用法凡命夫命婦不躬坐獄凡王之同族有罪不卽市以五聲聽獄訟求民情 一曰辭聽 二曰色聽 三曰氣聽 四曰耳聽 五曰目聽 士師之職掌國之五禁之法以左右刑罰 一曰宮禁 二曰官禁 三曰國禁 四曰野禁 五曰軍禁

原书缺页

原书缺页

原书缺页

原书缺页

原书缺页

原书缺页

原书缺页

原书缺页

原书缺页

原书缺页

原书缺页

原书缺页

原书缺页

原书缺页